

## Zahtjev srbijanskih nevladinih organizacija Vrijeme je za hapšenje ratnih zločinaca

Povodom obilježavanja trinaeste godišnjice genocida u Srebrenici, Fond za humanitarno pravo Srbije, Helsinški odbor za ljudska prava, Inicijativa mladih za ljudska prava, JUKOM Komitet pravnika za ljudska prava, Žene u crnom, Queeria centar i Centar za kulturnu dekontaminaciju pozvale su vlasti Srbije da odmah sprovedu odluku Međunarodnog suda pravde o hapšenju Ratka Mladića i ostalih ha-

od donošenja Konvencije o sprečavanju i kažnjavanju zločina genocida, te navode da je Međunarodni sud pravde u februaru 2007. donio presudu kojom je utvrdio da je Srbija prekršila obavezu sprečavanja genocida.

- To nas obavezuje da podsjetimo predsjednika Srbije, premijera, ministre, poslanike, vjerske starješine i vjernike, lidere i članove partija, udruženja, sindikate, profesore, studente, mlade i sve



**Nataša Kandić**

ških optuženika, Radovana Karadžića i Gorana Hadžića.

- Pred nama je 11. juli, godišnjica genocida u Srebrenici, što nas, građane i građanke, i vlast u Srbiji, posebno obavezuje da pokažemo da su nam žrtve bitne i da prihvatimo odgovornost za nepravdu koja im je počinjena u julu 1995, stoji u saopštenju pomenutih organizacija.

U saopštenju podsjećaju da se ove godine navršava 60 godina



**Sonja Biserko**

građane i građanke da Srbija nije ispunila obaveze koje proističu iz presude Međunarodnog suda o nepoštivanju Konvencije o sprečavanju i kažnjavanju genocida, kaže se u saopštenju. Podsjetimo, Sud je u februaru 2007. donio odluku prema kojoj Srbija odmah treba preduzeti efikasne korake u cilju obezbjeđivanja punog poštovanja obaveze prema Konvenciji o sprečavanju i kažnjavanju zločina genocida. S. R.

## Policija drži na oku Žene u crnom

Nevladine organizacije za ljudska prava iz Srbije raznim aktivnostima obilježit će trinaest godina od zločina u Srebrenici i 60 godina od usvajanja Konvencije o sprečavanju zločina genocida, a za 11. juli planiran je organiziran odlazak na komemoraciju u Potočare. MUP Srbije saopštio je sinoć,

javljaju agencije, da će snimati današnji skup u Beogradu, koji organiziraju Žene u crnom povodom godišnjice zločina. Pripadnici tog MUP-a snimaće skup na Trgu Republike, na kojem će biti prikazan i videorad „Žene Srebrenice govore“ jer smatraju da bi moglo doći do ugrožavanja života, zdravlja i imovine.

## Obilježavanje srebreničke tragedije Jučer nova biblioteka, danas dodjela povelja

U okviru obilježavanja 13. godišnjice srebreničke tragedije, jučer je u Islamsko-kulturno edukativnom centru u Srebrenici otvorena biblioteka. Prema riječima Damira ef. Peštalića, glavnog srebreničkog imama, fond knjiga u biblioteci obogatili su mnogi donatori iz cijele BiH, te gradonačelnik grada Zagreba Milan Badrić, koji je ovoj biblioteci poklonio 101 knjigu.

A američki senator Joseph R. Biden dobitnik je ovogodišnje nagrade „Srebrenica 1995“, a

Potočarska povelja, priznanje koje dodjeljuje Institut za istraživanje zločina protiv čovječnosti i međunarodnog prava, ove godine biće uručena Udruženju građana „Pokret majki enklava Srebrenica i Žepa“ iz Sarajeva, Udruženja građana „Žene Srebrenice“ sa sjedištem u Tuzli, Udruženju građana „Srebreničke majke“ iz Srebrenice i Udruženju građana „Žene Podrinja“ iz Bratunca. Ceremonija dodjele nagrada održaće se danas u Memorijalnom centru Potočari. S. Sm.